

Einsetzen mit ainem schnit gegen der Kron

40



Nstem wann du mit dem Zusehen zu dem azam kumpst.
so tritt mit deinem linken fuoß hinein vnd haw im zorniglich nach seinem haupt verseyt er dir das
so heng vnd wind vnd stich im zu seinem angesicht In des tritt mit deinem rechten schenckel hinein
vnd wechsel im durch auf sein lincke seiten vnd im dem durchwechseln haw im zwisach nach seiner
rechten seiten verseyt er dir das für das so wechsel im durch von sein er lincken auf sein rechte seiten mit
ainem Creutzhaw vnd haw im nach seinem rechten arm haw er dir also zu so tritt mit deinem Rech-
ten fuoß hinein vnd sey im das ab mit deiner langen schneid In des haw im mit ainem zwisachen fele-
nach seinem rechten fuoß In dem gebedend auf mit deinem du seggen für dein haupt In gute ver-
satzung vnd haw im mit ainem Doppelten Creutzhaw nach seinem angesicht haw er dir also zu
so gee im entgegen mit ainem oberhaw vnd In dem einhawen greiff mit deiner linken hand nach
seinem rechten Ellenbogen vnd schneid im oben nach seinem gesicht seiner rechten seiten schneid
er dir also nach deinem gesicht vnd hat dir angesetzt so greiff mit deiner linken hand vornen zu dei-
nem Dert vnd far wol auf oder dein haupt In die Kron so ist sein schnit vmb sunst In des stoß
im mit deinem gebult nach seinem angesicht so wirstu von im ledig magst im auch oberfallen vnd im
In des reißen vnd schneiden